

增修登州府志卷之二十一

鹽法

國初因明制山東鹽場共十九場康熙十六年裁併為十二場雍正七年又併為十場以鹽運使司領之轄於直隸長蘆鹽院道光十二年改歸山東巡撫兼轄遂併為九場永利場富國場皆在化王家岡場在樂安永阜場在利津蒲臺場在蒲臺官臺場在壽光西繇場在掖縣石河場在膠州濤雒場在日照各設鹽課大使管理登州舊有行村登寧二場皆元時設行村場在海陽縣西

增修登州府志

卷二十一

鹽法

一

南八十里康熙十六年裁歸石河場登寧場在福山縣北五里道光十二年裁歸西繇場

登州一府皆票地

按引有定而票無定引商有綱票商無綱凡行引之地票商不得攙

越票地亦然每票配鹽二百二十五觔與引同

每年額票外又有餘票以待

商人隨時酌增其行銷不盡者仍繳戶部後累次遞加攤撥各州縣遂與額票并行每票一張徵價銀壹錢陸分柒釐柒毫零

雍正八年長蘆鹽院鄭禪寶會同河東總督田文鏡

山東巡撫岳濬奏以登萊青三府票地瀕海

登州十屬萊州

掖平度昌邑膠高密卽墨六屬青
州安邱諸城二屬共十八州縣
多近鹽灘空立商

名請改鹽課攤入地畝田州縣總徵分解永免設商

其奏略曰青萊登三府所屬之安邱掖縣蓬萊等十
八州縣票鹽例有商達部實係無商告運乃竈煎民
食課皆包納鹽價甚平相沿已久雍正六年奉旨
清理山東鹽務積弊檄令運司遵例招募良商銷引
辦課詎州縣官吏妄保奸商宋良臣等高擡鹽價較
前倍增以致民情未洽運司唐綏祖詳請立郎斥革
各商一時鹽價頓平又詳據十八州縣紳民公呈請
免設商照舊行鹽辦課俯從民便等情經督臣飭查
妥議今運司楊宏俊詳稱確查鹽課攤入地糧每銀
壹兩計攤課僅壹分幾釐是所增不過毫末而食賤
鹽之利實多此富戶固所樂從至無地貧民既無攤
增之費而又得肩挑散賣餬口營生上不虧課下不
累民竈相安法可永久等情臣查各該州縣地處
海濱附近灘場民竈銷鹽辦課相沿已久應如所請

增修登州府志

卷二十一

鹽法

二

革除商名聽從民便著地方有司徧行曉諭仍派地
保不時查禁越境販賣并禁土豪紳衿佔踞地方囤
積漁利其民竈小販領票赴場運鹽該場截角驗放
或有借端需索指勒及通同賄縱等弊照枉法贓科
罪
經戶部議准施行

定例有商之地竈煎商賣無商之地竈煎民賣無票
卽爲私鹽登州鹽課攤入大糧既不設商亦無領票
之民每年皆官爲領票地丁徵完仍由官繳票價等
項各灘竈戶准其自煎自曬民運民銷并無官價隨
貴隨賤民竈兩便惟須各守疆界不得攙越只准在無商境

內各從其便儻漏入有商
票地卽照私鹽例治罪
仍不准豪民利徒無票行

商

票價而外又有鹽課一項有攤入大糧者有商人代辦者亦有竈戶自納者其原起不可考此外又有領票費紙硃價飯食繕書各費額課解費繳銷殘票解費都察院翰林院公費護軍校筆帖式解費河工協濟兵費鹽勇緝梟經費等項本係商課登州無商皆攤入大糧徵收而緝梟一項亦有由州縣捐廉批解者

各場竈籍戶口有丁曰竈丁每丁徵銀壹錢肆分柒

增修登州府志

卷二十一

鹽法

三

釐叁毫零

康熙五十二年以後滋生之丁永不加賦

又撥給竈戶之地曰

竈地供芻薪者曰草蕩地供煎曬者曰灘池地每畝

徵銀陸釐又鹽鍋每面徵銀壹錢貳分又有魚鹽課

鈔

明季設徵以供藩府今仍其名

食鹽折價

明時上下官司竈戶皆供食鹽其後折價成例

皆徵之於竈戶

自明季各場竈丁多逃亡所遺竈地居民輒佃種之日久患滋民與竈訐訟不休官以種戶雖非竈丁而所種原係竈地遂名之曰民佃雍正四年清查竈地凡遠年迷失錢糧均攤民佃項下民間所買竈地轉

售之日必歸之竈而竈地永不許再售之民以符原額其應徵竈丁銀按原額除一半攤入竈地及民佃內徵收一半仍按丁均攤乾隆二年又將現存一半竈丁銀全攤入竈地及民佃內徵收以紓丁力額課攤入地糧皆有四四耗羨銀隨正徵收有起解運司者有入應解各款及坐為火耗解費支銷者各州縣不同

登州鹽灘舊數百區除棲霞不濱海外其黃縣福山招遠各灘皆淤塞今存者蓬萊二處
大竈灘 小竈灘 萊陽四

增修登州府志

卷二十一

鹽法

四

處廐子灘 孫家灘 孫家小灘 田村灘 寧海五處林北村灘 港北堤灘 孫家灘 馬頭灘 竈戶灘

落島 文登十一處孫家灘 楊家灘 孔家灘 馬頭灘 竈戶灘 院

灘廐裏灘 吳家灘 榮成七處劉家灘 九皋灘 于家灘 山劉家灘 慈

海陽十三處溝裏灘 小溝裏灘 灘 徐家灘 上灘 中

方灘下方灘 大灘 魯古埠灘 各灘竈戶向皆煎鹽薪

芻不給價常昂貴居民又以煎鹽味苦性燥春夏醃

魚秋冬醃菜不能持久近來各灘漸諳曬鹽鹽價稍

平民甚便之登州瘠處海濱貧富皆醃魚為食而醃

不足必須買之鄰境至無灘地方皆仰給遠方故鹽價稍昂即形拮据自得關東大鹽接濟民食稍紓矣

蓬萊縣

額票柒百拾貳張徵票價銀壹百拾玖兩肆錢壹分肆釐

領票公費銀貳拾肆兩伍錢陸分肆釐紙硃價銀貳兩壹錢叁分陸釐飯食銀玖兩玖錢陸分捌釐新增飯食銀貳兩肆錢肆分
都翰公費銀玖錢玖分柒釐
筆帖式銀拾兩伍錢陸分
給兵銀壹兩捌分貳釐

增修登州府志

卷二十一

鹽法

五

緝梟銀柒兩壹錢貳分

繳殘票銀壹兩肆錢貳分肆釐

鹽課銀拾壹兩伍錢叁分肆釐

額徵民佃銀肆拾陸兩捌錢捌分加攤竈地銀拾柒兩叁錢肆分伍釐迷失竈地銀貳錢貳分叁釐竈丁銀拾柒兩伍錢柒釐

黃縣

額票壹千肆百貳拾柒張徵票價銀貳百叁拾玖兩叁錢叁分貳釐

領票公費銀陸拾玖兩貳錢壹分紙硃價銀肆兩貳錢捌分壹釐飯食銀貳兩陸錢陸分貳釐繕書銀貳兩貳錢貳分解費積併銀貳錢玖分都翰公費銀壹兩玖錢玖分捌釐

筆帖式銀拾兩伍錢陸分

給兵銀叁兩陸錢玖分

緝梟銀拾肆兩貳錢柒分

繳殘票銀貳兩捌錢伍分肆釐

額徵民佃銀叁拾伍兩陸錢柒分貳釐肆忽加攤

增修登州府志

卷二十一

鹽法

六

竈地銀拾叁兩壹錢玖分柒釐玖毫迷失竈地

銀壹錢陸分玖釐伍毫竈丁銀拾叁兩叁錢貳

分壹釐玖毫

福山縣

額票伍百拾伍張徵票價銀捌拾陸兩叁錢柒分

肆釐

領票紙硃價銀壹兩伍錢肆分伍釐飯食銀貳

拾肆兩玖錢柒分玖釐新增飯食銀玖錢陸分

繕書銀捌錢

都翰公費銀柒錢貳分壹釐

筆帖式銀拾兩伍錢陸分

給兵銀柒錢捌分貳釐

緝梟銀伍兩壹錢伍分

繳殘票并解費銀壹兩叁分

鹽課銀叁拾叁兩捌錢捌分

額徵民佃銀叁拾貳兩伍錢加攤竈地銀拾貳兩

貳分肆釐肆毫迷失竈地銀壹錢伍分肆釐肆

毫竈丁銀拾貳兩壹錢叁分捌釐

增修登州府志

卷二十一

鹽法

七

四四耗銀捌兩捌錢肆分

棲霞縣

額票肆百伍拾叁張徵票價銀柒拾伍兩玖錢柒

分伍釐肆毫

領票紙硃價銀壹兩叁錢伍分玖釐飯食銀陸

兩叁錢肆分貳釐新增飯食銀捌錢伍分繕書

銀柒錢解費銀拾伍兩陸錢貳分捌釐伍毫

都翰公費銀陸錢叁分肆釐貳毫

筆帖式銀拾兩伍錢陸分

給兵銀陸錢捌分捌釐陸毫

緝梟銀肆兩伍錢叁分

鹽課銀壹兩陸分捌釐

民佃無

招遠縣

額票玖百捌拾柒張徵票價銀壹百陸拾伍兩伍

錢叁分陸釐

領票公費銀肆拾柒兩捌錢柒分紙硃價銀貳
兩玖錢陸分壹釐飯食銀壹兩捌錢肆分繕書

增修登州府志

卷二十一

鹽法

八

銀壹兩伍錢肆分解費銀柒兩貳錢捌分肆釐

解費積併銀壹錢叁分

都翰公費銀壹兩叁錢捌分貳釐

筆帖式銀拾兩伍錢陸分

給兵銀壹兩伍錢

緝梟銀玖兩捌錢柒分

繳殘票銀壹兩玖錢柒分肆釐

鹽課銀玖兩肆分叁釐

額徵民佃銀拾壹兩壹錢陸分加攤迷失竈地銀

伍分叁釐竈丁銀捌兩貳錢玖分柒釐

萊陽縣

額票貳千玖百陸拾張徵票價銀肆百玖拾陸兩

肆錢叁分玖釐

領票公費銀壹百貳兩壹錢貳分紙硃價銀捌

兩捌錢捌分飯食銀肆拾陸兩玖錢柒分繕書

銀肆兩陸錢壹分

都翰公費銀肆兩壹錢肆分肆釐

筆帖式銀拾兩柒錢柒分

增修登州府志

卷二十一

鹽法

九

給兵銀肆兩伍錢

緝梟銀貳拾玖兩陸錢

繳殘票銀伍兩玖錢貳分

民佃全額撥歸海陽

寧海州

額票壹千捌拾捌張徵票價銀壹百捌拾貳兩肆

錢柒分伍釐

領票公費銀叁拾柒兩伍錢叁分陸釐紙硃價

銀叁兩貳錢陸分肆釐飯食銀拾伍兩貳錢叁

分貳釐新增飯食銀貳兩貳分捌釐繕書銀壹兩陸錢玖分

都翰公費銀壹兩伍錢貳分叁釐

筆帖式銀玖兩貳錢叁分

給兵銀壹兩陸錢伍分肆釐

緝梟銀拾兩捌錢捌分

繳殘票銀貳兩壹錢柒分陸釐

鹽課銀拾肆兩叁錢叁分叁釐

額徵民佃銀叁拾伍兩伍錢伍分伍釐加攤竈地

增修登州府志

卷二十一

鹽法

十

銀拾叁兩壹錢伍分伍釐迷失竈地銀壹錢陸

分玖釐竈丁銀拾叁兩貳錢柒分捌釐

四四耗銀拾壹兩伍錢叁分捌釐

文登縣

額票柒百伍拾叁張餘票陸拾肆張徵票價銀壹

百貳拾陸兩貳錢玖分餘票價銀拾兩柒錢叁

分肆釐票價積併銀貳錢柒分捌釐

領票紙硃價銀貳兩肆錢伍分壹釐隨正紙硃

價銀玖分玖釐飯食銀叁拾玖兩陸錢貳分伍

釐新增飯食銀壹兩伍錢叁分貳釐繕書銀壹

兩貳錢柒分解費銀陸兩貳分玖釐

都翰公費銀壹兩壹錢肆分肆釐

筆帖式銀柒兩捌分

給兵銀壹兩壹錢肆分肆釐

緝梟銀捌兩壹錢柒分

繳殘票銀壹兩陸錢叁分肆釐新增解費銀壹

兩陸錢叁分肆釐

鹽課銀貳拾陸兩陸錢捌分柒釐

增修登州府志

卷二十一

鹽法

十一

額徵民佃銀伍拾陸兩柒錢叁分壹釐民佃積併

銀貳錢柒分柒釐加攤迷失竈地銀貳錢玖分

伍釐竈丁銀肆拾貳兩壹錢柒分伍釐捌毫

四四耗銀伍兩伍錢叁分捌釐

榮成縣

額票叁百柒拾張餘票叁拾壹張徵票價銀陸拾

貳兩伍分伍釐餘票價銀伍兩壹錢玖分玖釐

票價積併銀肆分玖釐

領票公費銀拾叁兩捌錢叁分伍釐紙硃價銀

壹兩貳錢叁釐飯食銀伍兩陸錢壹分肆釐新

增飯食銀柒錢伍分繕書銀陸錢叁分

都翰公費銀伍錢陸分壹釐

筆帖式銀叁兩肆錢捌分

給兵銀伍錢陸分貳釐

緝梟銀壹兩肆分

繳殘票銀捌錢貳釐

鹽課銀貳兩貳錢伍分貳釐

額徵民佃銀肆兩柒錢陸分玖釐加攤竈地銀壹

增修登州府志

卷二十一

鹽法

十一

兩柒錢陸分肆釐迷失竈地銀貳分叁釐竈丁

銀壹兩柒錢捌分壹釐

四四耗銀叁兩肆錢貳分伍釐

海陽縣

額票玖百肆拾貳張徵票價銀壹百伍拾柒 玖

錢捌分捌釐

領票公費銀叁拾貳兩肆錢玖分玖釐紙硃價

銀貳兩捌錢貳分陸釐飯食銀拾叁兩壹錢捌

分捌釐新增飯食銀壹兩柒錢陸分叁釐繕書

銀壹兩肆錢柒分

都翰公費銀壹兩叁錢壹分玖釐

筆帖式銀肆兩陸錢肆分

給兵銀壹兩肆錢叁分貳釐

緝梟銀玖兩肆錢貳分

繳殘票銀壹兩捌錢捌分肆釐

鹽課銀捌拾肆兩貳分

額徵民佃銀肆百拾陸兩貳錢貳分伍釐肆毫加

攤竈地銀壹百伍拾叁兩玖錢玖分伍釐迷失

增修登州府志

卷二十一

鹽法

十三

竈地銀壹兩玖錢柒分柒釐叁毫竈丁銀壹百

伍拾伍兩肆錢肆分貳釐

附

康熙三十六年蓬萊三竈奸民賄屬蠹書王國俊私
開鹽店高價自肥又勾串外棍薛克亮等指巡鹽爲
名拷詐小民邑人公呈具控官燭其奸枷責示衆并
毀其店房斷令照常散賣

道光四年蓬萊長山島民積鹽爲醢魚計經官封囤
後屢有封鹽之案地方官會同營弁各處查究至十

八年山東巡撫新兼鹽政恐登屬收儲關東大鹽浸灌有商票地飭行清查適寧海州詳報楊廷槐囤積私鹽一案知府英文批提至郡訊明楊廷槐所存鹽勛係爲醃魚之用並無在市售賣情事質之竈戶孫義臣等供亦無異遂徧察情形備悉登屬各州縣食鹽向係民運民銷課歸地丁額設引票從無積滯推原其故皆因各屬離場較遠竈戶無多所煎鹽勛不敷本處食用全賴關東大鹽以資接濟且沿海居民多以捕魚爲業每逢春夏捕魚之際所需鹽勛動以

億萬必須大鹽方能經久若用小鹽不特價值昂貴抑且日久變味販運維艱是大鹽爲貧民生計攸關習俗相沿歷年已久一旦驟行禁止民間之受累書差之需索其弊何可勝言當經斷令此後凡漁戶所需大鹽准其陸續收買以備醃魚之用儻有在市集售賣以及圖利興販浸灌有商票地仍應嚴拏究辦庶於鹽課民生兩有裨益案旣結郡人勒碑記之謳思至今

咸豐元年榮成縣拿獲生員李廷爵等收買關東大

鹽至二十石知縣王錫麟詳請斥革李廷爵以沿海醃魚向用大鹽不得謂之私鹽遞經上控巡撫批府提審並飭登州府查前任英守前斷有無與鹽法窒礙卽由府詳察輿情參酌鹽法妥議詳奪知府汪承鏞詳稱查登屬鹽不設商課歸地丁例許民運民銷不准私煎私販各州縣額設引票按志應赴西繇石河等場配運或百姓自買食鹽或良販買鹽轉賣俱應責成鄉約稽查給發部票支鹽賣完之日截角繳銷不准灘垣竈戶賣於無票之人是於便民之中仍

杜販私之弊惟沿海居民多以捕魚爲業每逢春夏醃魚之際所需鹽觔動以億萬必須關東大鹽方能經久若用本地煎鹽不特價值昂貴抑且日久變味居民又以煎鹽味苦每多貪食大鹽此係習俗相沿已久一旦驟行禁止惟恐民間生計攸關若聽其販賣非惟有礙本地票鹽更恐謀利之徒藉醃魚爲名用船裝運外境接濟私販鄰境民運州縣亦復相率效尤層遞浸灌延及有商票地爲害非淺今李廷爵所買之鹽雖稱爲醃魚之用第買自鄰省究屬無票

私鹽乃李廷爵以爲醃魚須用大鹽並非始於今日不爲私販是漁戶醃魚究竟是否必須關東大鹽應准其收買抑有犯卽應照私鹽論詳稽鹽志並無正條無所適從擬請查核批示旣而李廷爵又以官役句串等詞遣抱京控遂提省審辦經撫批按察司會同鹽運司查議據稱本司等會查鹽志登郡地方鹽不設商亦不設巡其各州縣所需食鹽例係民運民銷課歸地丁完納每年額票從無積滯而該處地濱東海居民醃魚爲業買鹽接濟由來已久若果有礙

何以鹽志並不設役巡緝可見該處魚鹽爲生民自然之利一旦繩之以法非惟有妨生計且恐地方兵役藉端訛索其流弊有不可勝言者第不定以限制又恐影射興販浸灌有商票地擬請登郡地方准其收買魚鹽各在本境應用如有輾轉販賣浸灌有商票地者仍照定例緝究如此議定章程庶於課運民生均無妨礙遂轉飭沿海州縣一體遵照而濟南府讞局亦訊明李廷爵所買鹽觔委係醃魚并非買作食鹽亦非私販所得越訴答罪照例納贖開復衣頂

案遂結

光緒四年春海陽竈戶孫溥孫漳等以居民收買沙鹽竈戶不能獨擅其利冀翻舊案朦朧具控石河場大使汪以和遂上稟以海陽乳山等處時有船運沙鹽進口奸商違例囤積恐煎鹽滯銷有妨鹺法議令沿海漁戶准其春夏捕魚時購買外境曬鹽令鹽船停泊口門就近交易不准起岸囤積秋冬無須醃魚照例禁止經運司核准飭知縣王敬勳出示曉諭而沿海居民千百成羣泣訴以爲沿海民竈雜處向來

沙鹽專爲醃魚之用民間食鹽仍買自竈戶蓋竈戶煎鹽係用柴草無錢買鹽者均以柴草易鹽民竈兩便竈戶知沙鹽進口恐人買食亦不敢高抬價值今自曉諭之後該竈戶覺有可恃鹽價遽然踴貴且沿海斥鹵耕種不宜全賴終年捕魚養生今專准春夏醃魚秋冬二季將作何業況海魚出水卽死故必先將鹽舫運足以備應用今只准沙鹽船隻到口停泊縣境僅乳山一口沿海村莊近者數十里遠者至百餘里必須將魚送至乳山口始能鹽醃窒礙尤甚懇

請轉稟到府經知府賈瑚據稟轉詳并云自咸豐二
年定章以來民竈相安垂三十年今若如石河場大
使所稟鹽不登岸秋冬勒禁儻或民間不遵卽屬私
鹽勢必巡緝將與鹽志所云不設巡者顯然背謬訛
索擾害其流弊誠有不可勝言者經撫批運司妥議
據稱漁戶以捕魚爲業竈戶以煎鹽爲生儻聽從民
便而竈鹽滯銷課無所出亦非大公之道惟有將前
定章程略爲變通嗣後漁戶收買魚鹽准其遇有船
運沙鹽到口時就近購買以爲醃魚之用不必拘定

春夏亦不必專在乳山一口惟仍不准沿海商行私
收沙鹽囤積發賣以杜越境浸灌之漸其竈戶所煎
之鹽應令公平出售不得拾價居奇責成縣場互相
稽查用昭周密似民竈兩得其平可以各安生業撫
批如詳辦理轉飭遵照